

# Sidang Gerakan berakhir sembilan usul lulus

**KUALA LUMPUR, Ahad** — Persidangan Agung Parti Gerakan berakhir petang ini dengan meluluskan sembilan usul, di samping mempunyai azam baru untuk menambah keanggotaannya dari 100,000 kepada 250,000 pada akhir tahun 1985.

Presiden parti, Datuk Dr Lim Keng Yik, memberitahu para pemberita perhimpunan itu memberi mandat kepada Jawatankuasa Agung untuk mengadakan kerjasama dengan parti-parti komponen Barisan Nasional, termasuk MCA.

Tetapi, tegas beliau, Gerakan tidak akan ber-

gabung dengan MCA selagi parti itu masih bersifat parti perkauman.

Katanya, gabungan antara kedua-dua parti itu hanya dapat dilakukan jika MCA meminda perlembagaannya untuk menjadi parti berbilang kaum.

Persidangan itu juga meluluskan pindaan perlembagaan, termasuk penubuhan Pergerakan Pemuda dan Wanita dan menetapkan setiap ahli membayar yuran setiap tahun tidak lewat dari jam 5 petang, 30 September.

Mereka yang gagal tidak layak menjadi perwakilan dan bertanding untuk apa-apa jawatan di semua peringkat.

Naiib Presiden parti, Datuk Michael Chen, diberi mandat untuk berusaha menambah jumlah keanggotaan.

Beliau, yang juga bekas Timbalan Presiden MCA, berjaya menambah keanggotaan dari 20,000 pada tahun 1981 kepada 100,000 orang sekarang.

Penubuhan Pergerakan Pemuda dan Wanita pula disifatkan sebagai satu strategi untuk menarik lebih ramai golongan muda, terutama dari keturunan Cina, untuk parti.

Sembilan usul yang diluluskan, termasuk usul tergepar, iaitu menyecru kerajaan menghapuskan sistem kerja kontrak yang berlaku dalam Felda bagi mengelakkan penindasan terhadap para pekerja.

Usul-usul lain ialah menyokong kerajaan dalam isu Kampuchea, Palestin, ugutan Russia ke atas Asean, dan:

● Mendesak kerajaan memperkenalkan per-

khidmatan negara.

● Mendesak kerajaan mengatasi masalah nelayan.

● Mendesak kerajaan memperkukuh rancangan mengajar bahasa ibunda dengan mempertingkatkan peruntukan, membaiki sukatan pelajaran dan memberi latihan kepada guru-guru.

● Mendesak kerajaan supaya jangan menghadkan penggunaan bahasa lain dalam iklan.

Persidangan itu melantik Dr Koh Tzu Koon sebagai Pengerusi Pemuda dan Cik Swee Ah Lan sebagai Pengerusi Wanita.

Bahan asal dari Arkib  
Negara Malaysia